



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Henrici || Svsonis Viri Sanctita-||te, Ervditione Et  
Mi-||racvlis Clari, Opera**

**Seuse, Heinrich**

**Coloniae, 1615**

De illis qui in Matrimonio viuunt. Capvt XXII.

**urn:nbn:de:hbz:466:1-38029**

## CAPVT XXII.

**D**EVS: Denique contemplare quò deo  
luti sint, qui in Matrimonio versantur.

Certè plerique hodiè sanctum coniugium  
in putridissimam vertunt cloacam, dum in ea  
hand secus quam pecudes degunt pro omni li-  
bidine ac appetitione beluinæ naturæ vel cor-  
poris sui, contra omnem Matrimonij legem et  
ordinem, itemque contra rectam rationem. Et  
quidem non eo consilio diuinitus institutum  
Matrimonium est, vt pro corruptæ naturæ li-  
bidine in eo viuatur, sed vt vita agatur sancta,  
custodita, ac religiosa, ita vt est à Deo institutum,  
verò ordine, recta intentione, & modo conueni-  
enti. Quod si matrimonio sic vtentur ho-  
mines, vt Deus instituit, confortaret id corpus  
atque animam. Non enim naturæ destructor  
est Deus, sed eam potius perfectiorem efficit.  
Verum quâdo hodiè tam multa aduersus Ma-  
trimonij instituta ac leges admittuntur, inde  
fit vt natura humana vsque adeo corrupta, de-  
bilitata ac vitata sit maximaque hominum  
pars, nedum in Matrimonio degentium, sed  
etiam aliorum, puta sacerdotum, monachorum,  
Laiorum, Monialium, pleni sint spurcitia ac  
impudicitia, ita vt paucissimi sint, qui non ali-  
qua ex parte scedati sint, et si non opere, tamen  
alijs modis, vt pote vel conuersatione, vel stu-  
dio placendi, sine interno siue externo. Reuera  
si Mundum ob scelera sua DEVS vt olim Nee  
temporibus perdere vellet, quotidie id faciendū

Matrimonium  
quò diuini-  
tus consilio  
institutum.

Corruptio  
humana na-  
tura vnde.

Gen. 7.

dum illi incumberet. Cuius etiã fortassis quædam breui fiet præsignificatio. Iam paucos intra annos diuinitus homines amantissimè premoniti sunt morbis exitiâlibus, alijsque cladi- bus & flagellis, & parua inde consecuta est vtilitas. Enimuerò tam se ingrâtam atque illorũ immemorem præstat Ecclesia, ac si ante annos mille acciderint. Nisi in melius vitam commutarint suam, quandoque pertesus omnipotens Deus, iusto iudicio homines alios ab alijs iugulari permittet. Alij enim alios antecellere conantur, in cædes ac latrocinia cuncti procliuës & auidi sunt, atque intantum iam excreuit fastus & superbia, vt iam peccata pro peccatis minimè habeantur: multisque retrò annis non tam improbi fuere homines, atque nunc sunt. Atqui Diuino penitus amori operã dare eos oportebat. Nanque dum mors vicina adest, neruos suos omnes intendit spiritus malus, vt hominem perdat, omnemque male actam vitam tanto cum horrore ac terrore illi ob oculos reuocat, vt hac ratione innumeri desperatione absorbeantur, atque illi etiã perierunt, qui magnæ spei videbantur. Alij sunt, in quos tanta Deus ira defæxit, vt ad extremum vique iudicij diem immanissimis cogantur herere supplicijs inferorum, nec vnquam expectari illis liceat, vt in Tartari vel Purgatorij locis sint. Tales fermè sunt homines in suis iniquitatibus obstinati, qui vitæ emendationẽ vique ad obitum procrastinant, atque tum demum exiguo quodam dolore compunguntur. Hos, vt diximus, tanta Deus indignatione castigat, vt eorum meminisse nolit, nec suos pariatur

Quinam maximis Purgatorij pœnis subijciantur.

ziatur amicos pro eis vllas in hac vita preces  
fundere. Crede mihi, longè secùs ac terribiliùs  
cum hominibus agitur, quàm plerique arbi-  
trentur. Omni studio totisque viribus maligni  
spiritus homines in extremis perdere moluntur.  
Quicquid autem virium habent, id eis ho-  
minum peccata addiderunt. Visne scire, quid  
Iudæos perdidit? H. Maximè id velim. Di-  
Nimirum avaritia illorum & occulta vitia eos  
exterminarunt. Iam si Deus Christianos in-  
dem ob peccata illorum tum publica, tum oc-  
cultas delere vellet, nūquam posset aliud quam  
cædere & trucidare. Quod tamen forsitan bo-  
ni eueniet. Porro adspicias velim, quanto patet  
libidinis ac luxuriæ, necnon superbiæ ac auaritiæ  
iaculis homines confecti ac prostrati sint,  
quæ tamen vitia DEVS præcipue execrat,  
quandoquidem odij ac inuidentiæ, adeoque  
vitiatorum omnium causæ sunt: hisque contra  
oppida & cœnobias, seculares & Ecclesiasticos,  
sacerdotes ac Laicos abundant: ita vt necesse  
sit, ab alijs culpam in alios referri. Siquidem  
culpa in singulis hæret: & si singulus quisque  
suis curam agat sedulam, tantum erga sese nego-  
cij habebit, vt haud difficile aliorum possit ob-  
liuisci: Deus Pater cælestis absque intermissione  
dire offenditur, eò quod homines è religio-  
ne Christiani, filij sui viuant immemores, nec  
in obseruandis Christianæ religionis institutio-  
tis atque decretis sese corrigant. Vnde vereor,  
ne Pater omnipotens iustitiam suam miseri-  
cordia superiorem fieri sinat, ita vt omnes ho-  
mici illius silere cogantur, donec filij sui in-  
xias viciscatur. H. Totis animi visceribus con-  
curo

Spirituū ma-  
lignorum in-  
venandis a-  
nimabus se-  
dulas.

Odij ac inui-  
dentia igne  
omnes probè  
exardescere.

cutior & contremisco, Domine Deus, dum ista loqueris, videorq; mihi vsque adeo defecisse viribus, vt mox animam reddere necesse sit. D. De his iam dixisse sit satis.

Sequitur hinc, vt hic Dei amicus altissimum quendam montem conspexerit, ex quo nouem immanes & vastæ eminebant rupes, aliæ alijs superiores ad montis vsque supercilium, atque in iisdem rupibus homines Christiani verlabantur.

PROLOGVS BREVIS IN NO-  
uem Rupes.

**A**D Deum nemo pertingere potest, qui nõ aliquam harum rupium obtineat. Si quis autem ita suam velit instituere age-  
reque vitam, vt in eam, vnde anima nobilis protecta est originem, conspiciere sinatur, is a-  
nimo sanè virili & infracto præditus sit oportet, celsasque has omnes conscendat rupes, donec ad supremã perueniat. Vbi tum facile do-  
cebitur, quo tendendum sit. Præclarus reuerà ille cõsensus fuerit, qui hunc scandere montem rupibus distinctum non dubitet. Namque in hac vita ex cunctis suis hostibus palmam ferat, atq; in futura beatitudine maximam obtinebit dignitatem & gloriam.

Qualiterquis  
ad Deũ per-  
tingere possit

*De I. Rupe, eiusque incolis.*

CAPVT XXIII.

**D**EVS: Nihil dubites, quin si diutiùs ante memorata contueri debuisses, haudqua-  
quam

Bb 4